

К ОПУБЛИКОВАНИЮ

КОМИ РЕСПУБЛИКАЛӨН ОЛАНПАС

«Транспорт вот йылысь» Коми Республикаса Оланпасö вежсьöмъяс пыртöм йылысь

Примитöма Коми Республикаса
Каналан Сöветөн

2024 вося косму тöлысь 24 лунö

1 статья. Пыртны «Транспорт вот йылысь» Коми Республикаса Оланпасö (Коми Республикаса канму власьт органъяслөн индöд-тшöктöмъяс, 2003, 4 №, 2474 ст.; 2004, 3 №, 3051 ст.; 2006, 7 №, 4486 ст.; 9 №, 4560 ст.; 2007, 2 №, 4696 ст.; 2009, 40 №, 737 ст.; 2010, 44 №, 1014 ст.; 2011, 47 №, 1342 ст.; 2014, 13 №, 204 ст.; 27 №, 515 ст.; 2015, 21 №, 291 ст.; 22 №, 306 ст.; 2018, 7 №, 119 ст.; 2019, 19 №, 281 ст.; 2020, 17 №, 272 ст.; 2021, 10 №, 209 ст.; 2022, 4 №, 31 ст.; 15 №, 233 ст.; 2023, 11 №, 214 ст.) татшöм вежсьöмъяс:

1. 4¹ статьяын:

1) 1 юкöнын:

а) 9 пунктын «статьяса 7 пункт серти» кывъяс вежны «статья серти» кывъясöн, «транспорт средствоясысь öти серти.» кывъяс вежны «транспорт средствоясысь öти серти;» кывъясöн;

б) содтыны татшöм сюрöса 10 да 11 пунктъяс:

«10) военнотружашöйясöс, федеральной öлöмö пöртысь власьт органъясын да федеральной канму органъясын уджалысьясöс, кöни военной службасö урчитöма федеральной оланпасöн, Россия Федерацияса пытшкöс делöяс органъясын уджалысьясöс, кодъяс участвуйтöны (участвуйтисны) торъя военной операцияын Донецкöй Народнöй Республика, Луганскöй Народнöй Республика да Украина мутасьясын, Россия Федерацияса уголовнöй мыж вештан системаын уджалысьясöс, кодъяс збыльмöдöны (збыльмöдисны) налы сетöм могъяссö индöм мутасьясын торъя военной операция нуöдан периодö да кодъяс вылö пасйöма 200 вöв вынöдз (147,1 кВт-öдз) бöръясö пыртöмөн вынйöра двигателя транспорт средствояс, индöм транспорт средствоясысь öти серти вот перьян периодысь, мый лöсялö тайö пунктын индöм мутасын служебнöй командировкаö мöдöдан волю;

11) семьяын батъ-мам (пи (ныв) пыдди босьтысьяс) пиысь öтиöс, кöни вот перьян периодын эм сизим да унджык челядь, кодъяслы абу на тырöма 18 арöс (абу на тырöма 23 арöс – сэк, кор челядь очнöя велöдчöны став сикас велöдан организациясын), сы вылö пасйöм 200 вöв вынöдз (147,1 кВт-öдз) бöръясö пыртöмөн вынйöра двигателя öти транспорт средство серти.»;

2) 4 юкöнын «9 пункт серти» кывъяс вежны «9 – 11 пунктъяс серти» кывъясöн.

2. 5 статьяын:

1) мөдөд юкөнын «Тайё Оланпасын 4¹ статьялөн 1 юкөнса 9 пунктөн вөдитчөны» кывъяс вежны «Тайё Оланпасын 4¹ статьялөн 1 юкөнса 9 да 10 пунктъясөн вөдитчөны» кывъясөн;

2) содтыны татшөм сюрөса выль коймөд юкөн:

«Тайё Оланпасын 4¹ статьялөн 1 юкөнса 11 пунктөн вөдитчөны инöда йитөдъяс серти, кутшөмъяс йитчөны 2024 вося вот перьян периодсянь заводитөмөн транспорт вот арталөмкөд да мынтөмкөд.»;

3) коймөд юкөнсö гижны таdzi:

«Коми Республикаса Вescкөдлан котырөн уполномочитөм Коми Республикаса олөмө пöртысь власът орган сетö тайё Оланпаслөн 4¹ статьяса 1 юкөнлөн 9 да 10 пунктъясын индөм вот мынтысьяс серти тайё Оланпаслөн 4¹ статьяса 4 юкөнөн урчитөм төдмөгъяссö 2024 вося лөддзаномъя төлысь 1 лунысь оз сёрджык кадколастö, та дырйи индөм төдмөгъяслысь тэчассö урчитöны вот органкөд сöгласуйтөмөн.»;

4) содтыны татшөм сюрөса витөд юкөн:

«Коми Республикаса Вescкөдлан котырөн уполномочитөм Коми Республикаса олөмө пöртысь власът орган сетö тайё Оланпаслөн 4¹ статьяса 1 юкөнлөн 11 пунктын индөм вот мынтысьяс серти тайё Оланпаслөн 4¹ статьяса 4 юкөнөн урчитөм төдмөгъяссö быд во 2025 восянь заводитөмөн рака төлысь 1 лунысь оз сёрджык кадколастö, та дырйи индөм төдмөгъяслысь тэчассö урчитöны вот органкөд сöгласуйтөмөн.».

2 статья. Тайё Оланпасыс вынсялö сйöс официальнöя йöзöдан лунсянь.

Коми Республикаса Юралысь

В.В. Уйба

Сыктывкар

2024 вося косму төлысь 27 лун

13-РЗ №